

Na osnovu člana 13, tačka b) i n) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u BiH („Službeni glasnik BiH“, broj 50/08) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ministarstva sigurnosti Bosne i Hercegovine, na 6. vanrednoj sjednici održanoj 24.03.2020. godine, donijelo je

ODLUKU

O ODREĐIVANJU GRANIČNIH PRIJELAZA ZA PRIJEVOZ ROBE U CESTOVNOM PROMETU

U TRANZITU KROZ BOSNU I HERCEGOVINU

Član 1.

(Predmet Odluke)

Ovom odlukom određuju se granični prijelazi između Bosne i Hercegovine i Republike Hrvatske, Republike Srbije i Crne Gore za prijevoz robe u cestovnom prometu u tranzitu, kao i cestovni pravci kojima je dozvoljeno kretanje teretnih motornih vozila registriranih u drugim državama u tranzitu kroz Bosnu i Hercegovinu, kao mjera sprječavanja i suzbijanja širenja zarazne bolesti prouzrokovane novim korona virusom (COVID-19).

Član 2.

(Upotreba roda)

Izrazi u ovoj odluci koji su radi preglednosti dati u jednom gramatičkom rodu bez diskriminacije se odnose i na muškarce i na žene.

Član 3.

(Granični prijelazi)

- (1) Granični prijelazi između Bosne i Hercegovine i Republike Hrvatske kojima se odvija tranzitni promet preko teritorije Bosne i Hercegovine su:
 - Bijača – Nova Sela,
 - Gradiška – Stara Gradiška,
 - Šamac – Slavonski Šamac,
 - Neum 1 – Klek i
 - Neum 2 – Zaton Doli.
- (2) Granični prijelaz između Bosne i Hercegovine i Republike Srbije kojim se odvija tranzitni promet preko teritorije Bosne i Hercegovine je:
 - Rača – Sremska Rača.
- (3) Granični prijelaz između Bosne i Hercegovine i Crne Gore kojim se odvija tranzitni promet preko teritorije Bosne i Hercegovine je:
 - Klobuk – Ilino Brdo.

Član 4.

(Cestovni pravci)

Cestovni pravci kojima se može vršiti tranzitni cestovni prijevoz robe preko teritorije Bosne i Hercegovine su dati u Prilogu 1. ove odluke i čine njen dio.

Član 5.

(Odgovornost nadležnih organa)

Nadležni organi entiteta, za dio cestovnog pravca iz svoje nadležnosti, bliže uređuju ispunjenost uvjeta u pogledu sanitarnih i zdravstvenih zahtjeva, te određuju mjesta za odmor, kao i sva druga pitanja zaštite u skladu sa Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa, Odlukom Vlade Republike Srpske o proglašenju nastanka vanredne situacije i Odluke gradonačelnika Brčko distrikta Bosne i Hercegovine o proglašenju stanja prirodne nesreće zbog korona virusa (COVID-19), te preduzimanju zaštitnih mjera prema vozačima teretnih vozila koji prekrše odredbe ove odluke ili odluka koje se donesu na osnovu ove odluke.

Član 6.

(Bilateralni prijevoz)

- (1) Za cestovne prijevoze robe između Bosne i Hercegovine, sa jedne, i Republike Hrvatske, Republike Srbije i Crne Gore, sa druge strane, pored graničnih prijelaza iz tačke 3. ove odluke, mogu se koristiti i drugi granični prijelazi koji su otvoreni i u funkciji.
- (2) Za obavještanje javnosti o ostalim graničnim prijelazima preko kojih se može obavljati bilateralni prijevoz robe zadužuje se Koordinaciono tijelo Bosne i Hercegovine za zaštitu i spašavanje ljudi i materijalnih dobara od prirodnih ili drugih nesreća u Bosni i Hercegovini.
- (3) Zadužuje se Ministarstvo sigurnosti BiH i Granična policija BiH da koordiniraju aktivnostima u planiranju i korištenju graničnih prijelaza Bosne i Hercegovine za pitanja bilateralnog prijevoza robe sa nadležnim organom Republike Hrvatske, Republike Srbije i Crne Gore kako bi se uspostavio neprekinut transport i snabdijevanje, posebno.

Član 7.

(Radno vrijeme)

- (1) Radno vrijeme graničnih prijelaza iz tačke 3. ove odluke sa njima povezanih terminala je 24 h svim danima u sedmici.
- (2) Granična policija Bosne i Hercegovine, Uprava za indirektno oporezivanje, Ured za veterinarstvo te nadležni inspekcijski organi entiteta dužni su osigurati 24-satno radno vrijeme kako bi se operacije povezane sa transportom robe preko ovih graničnih prijelaza obavljale kontinuirano.

Član 8.

(Koordinacija)

Za realizaciju ove odluke zadužuje se Koordinaciono tijelo Bosne i Hercegovine za zaštitu i spašavanje ljudi i materijalnih dobara od prirodnih ili drugih nesreća u Bosni i Hercegovini, a sve institucije i organi Bosne i Hercegovine dužni su pružiti podršku i staviti sve svoje kapacitete na raspolaganje Koordinacionom tijelu Bosne i Hercegovine u skladu sa članom 3.

Odluke o proglašenju nastanka stanja prirodne ili druge nesreće na teritoriji Bosne i Hercegovine („Službeni glasnik BiH“, broj 18/20).

Član 9.

(Stupanje na snagu)

Ova odluka stupa na snagu danom donošenja, a primjenjuje se dok traje stanje prirodne ili druge nesreće na teritoriju Bosne i Hercegovine izazvane korona virusom (COVID-19) i objavljuje se u „Službenom glasniku BiH“.

VM broj 22 /20

24.03.2020. godine

Sarajevo




Predsjedavajući
Vijeća ministara BiH
Dr. Zoran Tegeltija

Zoran Tegeltija

[Handwritten signature]

Prilog 1.



- REPUBLIKA HRVATSKA:**
- Bijača / Nova Sela
 - Samac / SlavonSKI Samac
 - Gradiška / Stara Gradiška
 - Neum 1 / Ktek
 - Neum 2 / Zaton Doli
- REPUBLIKA SRBIJA:**
- Rača / Sremska Rača
- CRNA GORA:**
- Klobuk / Ilino Brdo